



# VON UM BJARTA FRAMTÍÐ

INNGANGUR AÐ BIBLÍUNÁMSKEIÐI

---

# Hvernig geturðu haft sem mest gagn af þessari biblíufræðslu?

**Farðu yfir efnið með kennara:** Biddu þann sem gaf þér bæklinginn að aðstoða þig við biblíunám eða sendu inn beiðni á vefsíðu okkar, [jw.org](http://jw.org).



**01**


### Hvernig getur Biblían gagnast þér?

Flau helan við spurningar um Biblían, skilning og framburð. Við þurfum þú að hafa einn af þessum tveimur aðili til þess að þú getur haft gagn af þessari Biblíufræðslu. Hvernig getur þú haft gagn af þessari Biblíufræðslu? Hvernig getur þú haft gagn af þessari Biblíufræðslu?

**A** Hvernig spurningar um Biblían?

**B** Hvernig getur þú haft gagn af þessari Biblíufræðslu?

**C** Hvernig getur þú haft gagn af þessari Biblíufræðslu?



**KAFADU DÝPRA**

Kynnir þú hvernig Biblían hefur gagnast þeim, hvernig þú getur haft gagn af að lesa bókina og hvernig þú getur haft gagn af að lesa bókina?

**D** Biblían getur leidd þig út úr þessari heiminum.

**E** Biblían getur leidd þig út úr þessari heiminum.



**5. Þú getur haft ómegju af að lesa Biblíuna.**

Megar þú hafa það ómegju og gætt af þú að lesa Biblíuna. Sjáðu hvernig Biblían getur gagnast þessum spurningum og veltu þessum hugmyndum.

**F** Biblían getur leidd þig út úr þessari heiminum.

**G** Biblían getur leidd þig út úr þessari heiminum.



**SAMANTEKT H**

Biblían gefur helmingar fyrir sig. Hvernig getur þú haft gagn af þessari Biblíufræðslu?

**KANNADU J**

Lesu þessari Biblíufræðslu og veltu þessum hugmyndum.

**I** Biblían getur leidd þig út úr þessari heiminum.

## FYRSTI HLUTI

Lesstu hverja grein fyrir sig, þar á meðal feitleturðu spurningarnar (**A**) og biblíuversin (**B**) sem leggja áherslu á aðalatriðin. Taktu eftir að sum biblíuvers eru merkt „lestu“.

## MÍÐHLUTI

Textinn (**C**) undir *Kafaðu dýpra* kynnir það sem er til umræðu. Millifyrirsagnirnar (**D**) kynna aðalatriðin. Lesstu biblíuversin, svaraðu spurningunum og horfðu á myndböndin (**E**). Skoðaðu myndirnar og myndatextana (**F**) og veltu fyrir þér hvernig þú myndir svara fullyrðingunum í *Sumir segja* (**G**).

## SÍÐASTI HLUTI

*Samantekt* og *Upprifjun* (**H**) draga saman það sem fjallað er um í kaflanum. Skráðu dagsetninguna þegar þú hefur lokið við kaflann. *Markmið* (**I**) gefur þér eitthvað til að vinna að. Undir *Kannadunni* (**J**) er meira efni sem þig gæti langað til að lesa eða hafa á.

**A** **JÓHANNES 16:33–17:24**

Þú verðir fyrir mötlæti í heiminum en verð hugrakkir. Ég hef signað heiminn.“

**B** Eftir að hafa sagt þetta leit Jesús til himins og bað: „Fáðir, stundin er komin. Veittu syni þínum dýrd til að hann geti gert þig dýrlegan. 2 Þú hefur fengið honum vald yfir öllum mönnum svo að hann veiti öllum þessum þér, hinum eina sanna Guði, og þeim sem þú sendir, Jesú Krísti. 4 Ég hef verið þér til dýrðar á jörðinni með þessum barnum þínum.“

**C** Til að hljóta eilíft líf þurfa þeir að kynnast þér, hinum eina sanna Guði, og þeim sem þú sendir, Jesú Krísti. 4 Ég hef verið þér til dýrðar á jörðinni með þessum barnum þínum.“

## Hvernig finnurðu biblíuversin?

Vísad er í biblíuvers með því að kynna **biblíubókina (A)**, **kaflann (B)** og **versíð eða versin (C)**. Jóhannes 17:3 vísar til dæmis í Jóhannesar-guðspjall, kafla 17 og vers 3.

# Hvernig getur Biblían gagnast þér?

Flest höfum við spurningar um lífið, þjáningar, dauðann og framtíðina. Við þurfum líka að hugsa um dagleg mál eins og að sjá fyrir okkur og huga að hamingju fjölskyldunnar. Margir hafa komist að því að Biblían svarar ekki bara stóru spurningunum í lífinu heldur gefur hún einnig hagnýt ráð fyrir daglegt líf. Heldur þú að Biblían geti gagnast einhverjum sem þú þekkir?

## 1. Hvaða spurningum svarar Biblían meðal annars?

Biblían svarar þessum mikilvægu spurningum: Hvernig hófst lífið? Hver er tilgangur lífsins? Hvers vegna þjáist saklaust fólk? Hvað gerist við dauðann? Hvers vegna er svona mikið um stríð ef allir vilja frið? Hvað verður um jörðina í framtíðinni? Í Biblíunni erum við hvött til að leita svara við slíkum spurningum og milljónum manna hefur fundist svör hennar fullnægjandi.

## 2. Hvernig getur Biblían hjálpað okkur að njóta daglegs lífs?

Biblían gefur okkur góð ráð. Hún kennir til dæmis fjölskyldum hvernig þær geti notið sannrar hamingju. Hún gefur ráð um hvernig hægt sé að takast á við streitu og hvernig hægt sé að hafa gaman af vinnunni. Þegar við ræðum þetta námsefni saman kemstu að því sem Biblían segir um þessi mál og mörg önnur. Þú gætir orðið sammála því að „**Öll Ritningin [Biblían í heild] er ... gagnleg**“. – 2. Tímóteusarbréf 3:16.

*Þetta rit kemur ekki í staðinn fyrir Biblíuna. Öllu heldur hvetur það þig til að kynna þér hana. Við hvetjum þig þess vegna til að lesa biblíuversin sem vísað er í og bera þau saman við það sem þú ert að læra.*

# K A F A Ð U D Ý P R A


Kynntu þér hvernig Biblían hefur gagnast öðrum, hvernig þú getur haft ánægju af að lesa hana og hvers vegna það er gott að fá aðstoð við að skilja hana.

## 3. Biblían getur leiðbeint okkur

Biblían er eins og skært ljós. Hún getur hjálpað okkur að taka góðar ákvarðanir og sýnt okkur hvað er fram undan.

**Lesið Sálms 119:105** og ræðið síðan eftirfarandi spurningar:

- Hvernig leit ritari þessa sálms á Biblíuna?
- Hvernig lítur þú á Biblíuna?



### MYNDBAND:

*Misstu aldrei vonina!*  
(1:48)

## 4. Biblían getur svarað spurningum okkar

Kona nokkur komst að því að Biblían svaraði spurningum sem hún hafði velt fyrir sér í mörg ár. **Spilið MYNDBANDIÐ** og ræðið síðan eftirfarandi spurningar:

- Hvaða spurningar hafði konan í myndbandinu?
- Hvernig hjálpaði það henni að kynna sér Biblíuna?

Biblían hvetur okkur til að spyrja spurninga. **Lesið Matteus 7:7** og ræðið síðan eftirfarandi spurningu:

- Hvaða spurningum myndir þú vilja fá svör Biblíunnar við?





**MYNDBAND:** *Bibliulestur*  
(2:05)


## 5. Þú getur haft ánægju af að lesa Biblíuna

Margir hafa bæði ánægju og gagn af því að lesa Biblíuna. **Spilið MYNDBANDIÐ** og ræðið síðan eftirfarandi spurningar:

- Hvað fannst unga fólkinu í myndbandinu um lestur almennt?
- Hvers vegna lítur þetta unga fólk öðruvísi á bibliulestur?

Biblían segist geta gefið leiðbeiningar sem veita okkur huggun og von. **Lesið Rómverjabréfið 15:4** og ræðið síðan eftirfarandi spurningu:

- Vekja loforð Biblíunnar um huggun og von áhuga þinn?



## 6. Við getum fengið aðstoð við að skilja Biblíuna

Mörgum hefur fundist gagnlegt að ræða efni Biblíunnar við aðra auk þess að lesa hana sjálfir. **Lesið Postulasöguna 8:26–31** og ræðið síðan eftirfarandi spurningu:

- Hvernig getum við fengið skilning á Biblíunni?  
– Sjá 30. og 31. vers.

Eþiópíski maðurinn þurfti aðstoð við að skilja Ritningarnar. Mörgum nú á dögum finnst gagnlegt að ræða efni Biblíunnar við aðra.

**SUMIR SEGJA:** „Það er tímasóun að kynna sér Biblíuna.“

- Hvað myndir þú segja við því? Hvers vegna myndirðu segja það?

## SAMANTEKT

Biblían gefur leiðbeiningar fyrir daglegt líf, svarar mikilvægum spurningum og veitir fólki huggun og von.

### Upprifjun

- Hvaða leiðbeiningar finnum við í Biblíunni?
- Hvaða spurningum svarar Biblían meðal annars?
- Hvað langar þig að læra af Biblíunni?

Kafla lokið þann

### Markmið

- Lesa fyrsta hlutann af næsta kafla.
- Annað:



Skannaðu merkið eða farðu inn á ritið  
Von um bjarta framtíð á [jw.org](http://jw.org) til  
að finna allt efni sem tengist KAFLA 01.

## K A N N A Ð U



Skoðaðu hvernig ráð Biblíunnar hafa hagnýtt gildi nú á dögum.

**„Viska Biblíunnar er sígild“**  
(Varðturninn nr. 1 2018)



▶ 2:53


Sjáðu hvernig Biblían hjálpaði manni sem barðist við erfiðar tilfinningar allt frá barnæsku.

**Nýr og hamingjuríkur kafla hófst í lífi mínu**



Lestu hagnýt ráð Biblíunnar fyrir fjölskyldur.

**„Hvað einkennir farsælar fjölskyldur?“**  
(Vaknið! nr. 2 2018)



▶ 3:14

Kynntu þér hvernig Biblían leiðréttir algengan misskilning um það hver stjórnar heiminum.

**Hvers vegna ættum við að kynna okkur Biblíuna?**  
– lengri útgáfa

# Biblían veitir von

Fólk um allan heim glímir við vandamál sem valda sorg, kvíða og kvöl. Hefur þú verið í slíkum aðstæðum? Þú þjáist kannski vegna veikinda eða ástvinamissis. Hefurðu velt fyrir þér hvort lífið verði einhvern tíma betra? Biblían veitir hughreystandi svar við því.

## 1. Hvernig veitir Biblían von?

Biblían útskýrir hvers vegna það eru svona mörg vandamál í heiminum. En hún færir okkur líka þær gleðifréttir að þessi vandamál verði brátt úr sögunni. Loforð Biblíunnar geta veitt okkur „**vonarríka framtíð**“.  
(Lestu Jeremía 29:11, 12.) Þessi loforð hjálpa okkur að takast á við vandamál okkar, vera jákvæð og njóta varanlegrar hamingju.

## 2. Hvernig lýsir Biblían framtíðinni?

Biblían lýsir framtíðinni svona: „**Dauðinn verður ekki til frammar. Engin sorg, angistaróp né kvöl verður heldur til.**“ (Lestu Opinberunarbókina 21:4.) Þau vandamál sem fylla fólk vonleysi nú á dögum verða ekki lengur til – eins og fátækt, óréttlæti, veikindi og dauði. Biblían lofar að fólk fái að njóta lífsins að eilífu í paradís á jörð.

## 3. Hvernig geturðu verið viss um að loforð Biblíunnar rætist?

Margir reyna að vera bjartsýnir á framtíðina en geta ekki verið vissir um að vonir þeirra rætist. Því er öðruvísi farið með loforð Biblíunnar. Við getum byggt upp traust á það sem Biblían segir með því að „**rannsaka Ritningarnar**“.  
(Postulasagan 17:11) Þú getur komist að því hvort þú getir treyst því sem Biblían segir um framtíðina með því að kynna þér hana.

# K A F A Ð U D Ý P R A

Skoðaðu nokkur af loforðum Biblíunnar varðandi framtíðina. Kynntu þér hvernig vonin sem Biblían gefur hjálpar fólki núna.



## 4. Biblían gefur okkur von um eilíft líf við fullkomnar aðstæður

Skoðaðu loforð Biblíunnar sem eru talin upp hér fyrir neðan. Hvaða loforð höfðu sérstaklega til þín? Hvers vegna?

**Lesið biblíuversin** sem tengjast loforðunum og hugleiðið eftirfarandi spurningar:

- Finnst þér þessi vers gefa þér von? Gætu þau veitt fjölskyldu þinni og vinum von?

Ímyndaðu þér að lifa við eftirfarandi aðstæður:

### ENGINN MUN ...

- búa við sársauka, hrörna eða þurfa að deyja. – Jesaja 25:8.
- verða veikur eða búa við fötlun. – Jesaja 33:24; 35:5, 6.
- verða fyrir óréttlæti. – Jesaja 32:16, 17.
- þjást af völdum styrjalda. – Sálmur 46:10.
- glíma við neikvæðar hugsanir eða sárar minningar. – Jesaja 65:17.

### ALLIR MUNU ...

- sjá látna ástvini rísa til lífs á ný á jörðinni. – Jóhannes 5:28, 29.
- vera hraustir og fullir af æskuprótti. – Jobsbók 33:25.
- eiga nóg að borða, þægilegt heimili og hafa ánægjulega vinnu. – Sálmur 72:16; Jesaja 65:21, 22.
- búa við fullkominn frið. – Jesaja 32:18.
- lifa að eilífu við bestu aðstæður sem hugsast getur. – Sálmur 37:29.





## 5. Loforð Biblíunnar breyta miklu



**MYNDBAND:** Ég vildi berjast gegn óréttlæti (4:07)



Margir missa kjarkinn eða verða jafnvel reiðir vegna vandamála sem þeir sjá. Sumir reyna af öllum mætti að breyta ástandinu til hins betra. Taktu eftir hvernig loforð Biblíunnar um betra ástand hjálpar fólki núna. **Spilið MYNDBANDIÐ** og ræðið síðan eftirfarandi spurningar:

- Hvaða óréttlæti angraði Rafiku?
- Hvernig hjálpaði Biblían henni þótt óréttlætið hvarfi ekki?

Framtíðarvon Biblíunnar hjálpar okkur að takast á við kjarkleysi og vera glöð þrátt fyrir vandamál okkar.

**Lesið Orðskviðina 17:22 og Rómverjabréfið 12:12** og ræðið síðan eftirfarandi spurningar:

- Heldur þú að vonarboðskapur Biblíunnar geti haft áhrif á líf þitt núna? Hvers vegna?

**SUMIR SEGJA:** „Framtíðarloforð Biblíunnar eru of góð til að vera sönn.“

- Hvers vegna finnst þér mikilvægt að skoða málið sjálfur?

## SAMANTEKT

Biblían lofar okkur hamingjuríkri framtíð og gefur okkur þannig von og hjálp til að takast á við erfiðleika.

### Upprifjun

- Hvers vegna þarf fólk að kynnst loforðum Guðs?
- Hvernig lýsir Biblían framtíðinni?
- Hvernig geturðu haft gagn af því núna að eiga góða framtíðarvon?

Kafla lokið þann

### Markmið

- Kynnst betur loforðum Biblíunnar með því að lesa biblíuversin í þessum kafla.
- Annað:



Skannaðu merkið eða farðu inn á ritið  
Von um bjarta framtíð á [jw.org](http://jw.org) til  
að finna allt efni sem tengist KAFLA 02.

## K A N N A Ð U




Lærðu meira um mátt vonarinnar.

„Hvar er hægt að finna sanna von?“  
(Greinar úr *Vaknið!*)



Sjáðu hvernig von um framtíðina getur hjálpað þeim sem glíma við langvinn veikindi.

„Langvinn veikindi – getur Biblían komið að gagni?“ (Vefgrein)



Horfðu á tónlistarmyndbandið og sjáðu þig og fjölskyldu þína fyrir þér njóta lífsins í þeirri paradís sem Biblían lofar.

**Brátt kemur sú stund**



Lestu um hvernig líf umhverfisverndarsinna breyttist þegar hann kynntist loforðum Biblíunnar um framtíðina.

„Mér finnst ekki lengur eins og ég þurfi að breyta heiminum“  
(*Varðturninn* 1. september 2013)

# Er hægt að treysta Biblíunni?

Í Biblíunni er að finna mörg loforð og hún gefur mörg ráð. Þú ert líklega forvitinn um hvað hún kennir, en kannski líka á varðbergi. Ættirðu að treysta loforðum og ráðum svona gamallar bókar? Er hægt að hafa gagn af Biblíunni nú á dögum? Og getum við treyst því sem hún segir um framtíðina? Milljónir manna gera það. Við hvetjum þig til að kanna hvort þú getir það líka.

## 1. Er Biblían byggð á staðreyndum?

Biblían segist hafa að geyma „**sannleiksorð**“ (Prédikarinn 12:10) Hún segir frá atburðum sem gerðust í raun og veru og fólki sem var til. (Lestu Lúkas 1:3; 3:1, 2.) Margir sagnfræðingar og fornleifafræðingar hafa staðfest að það sem Biblían segir um vissa staði, tímasetningar, fólk og atburði sé rétt.

## 2. Hvernig vitum við að Biblían er ekki úrelt?

Biblían hefur á margan hátt reynst á undan sinni samtíð. Hún minnst til dæmis á vísindaleg málefni. Margt sem hún segir um þau mál var umdeilt þegar það var skrifað. En nútímavísindi staðfesta að það sem Biblían segir sé satt. Hún er „**áreiðanleg ... um aldur og ævi**“ – Sálmur 111:7, 8.

## 3. Hvers vegna ættum við að treysta því sem Biblían segir um framtíðina?


Í Biblíunni eru spádómar sem sögðu fyrir um „**það sem eigi var enn fram komið**“ (Jesaja 46:10) Hún sagði nákvæmlega frá sögulegum atburðum löngu áður en þeir gerðust. Hún gaf líka nákvæma lýsingu á heimsástandinu nú á dögum. Í þessum kafla skoðum við nokkra af spádómum Biblíunnar. Þeir eru ótrúlega nákvæmir!

Kynntu þér hvernig nútímavísindi samræmast Biblíunni og kannaðu nokkra áhrifamikla biblíuspádóma.

## 4. Vísindin samræmast Biblíunni

Til forna héldu flestir að jörðin hvíldi á einhverju.

**Spilið MYNDBANDIÐ.**



**MYNDBAND:** *Jörðin svífur í geimnum (1:13)*

Taktu eftir því sem var skráð í Jobsbók fyrir um 3.500 árum.



**Lesið Jobsbók 26:7** og ræðið síðan eftirfarandi spurningu:

- Hvers vegna er sérstakt að það skuli vera talað um að jörðin ,svífi í geimnum'?

Það var ekki fyrr en á 19. öld að menn fóru að skilja vel hringrás vatnsins. En taktu eftir hvað Biblían sagði fyrir um 3.500 árum.

**Lesið Jobsbók 36:27, 28** og ræðið síðan eftirfarandi spurningar:

- Hvað finnst þér eftirtektarvert við þessa einföldu lýsingu á hringrás vatnsins?
- Auka biblíuversin sem þú varst að lesa traust þitt til Biblíunnar?



**MYNDBAND:** *Biblían spáði fyrir um fall Babýlonar (0:58)*

## 5. Biblían spáði fyrir um mikilvæga atburði

**Lesið Jesaja 44:27–45:2** og ræðið síðan eftirfarandi spurningu:

- Hverju spáði Biblían 200 árum fyrir fall Babýlonar?

**Spilið MYNDBANDIÐ.**



Sagnfræðin staðfestir að Kýrus Persakonungur og her hans hafi unnið borgina Babýlon árið 539 f.Kr.\* Þeir veittu ánni, sem verndaði borgina, í annan farveg. Síðan fóru þeir inn um borgarhliðin sem skilin höfðu verið eftir opin og hertóku borgina án bardaga. Núna, meira en 2.500 árum seinna, er Babýlon rústir einar. Skoðum nú það sem Biblían spáði.

**Lesið Jesaja 13:19, 20** og ræðið síðan eftirfarandi spurningu:

- Hvernig rættist þessi spádómur á Babýlon?

\* Skammstöfunin f.Kr. merkir „fyrir Krist“ og e.Kr. merkir „eftir Krist“.



Rústir Babýlonar í Írak.

## 6. Biblían spáði fyrir um okkar daga

Biblían segir að við lifum á „síðustu dögum“. (2. Tímóteusarbréf 3:1) Taktu eftir því sem hún sagði fyrir um þann tíma.

**Lesið Matteus 24:6, 7** og ræðið síðan eftirfarandi spurningu:

- Hvernig sagði Biblían að ástandið yrði á síðustu dögum?

**Lesið 2. Tímóteusarbréf 3:1–5** og ræðið síðan eftirfarandi spurningar:

- Hvernig sagði Biblían að margt fólk myndi hegða sér á síðustu dögum?
- Hverju af þessu hefur þú tekið eftir í fari fólks?



**SUMIR SEGJA:** „Biblían er full af goðsögum og þjóðsögum.“

- Hver er að þínu mati sterkasta sönnunin fyrir því að Biblían sé áreiðanleg?



## SAMANTEKT

Sagnfræði, vísindi og spádómar – allt gefur þetta til kynna að Biblían sé traustsins verð.

### Upprifjun

- Er Biblían byggð á staðreyndum?
- Nefndu nokkur svið þar sem vísindin samræmast Biblíunni.
- Telur þú að Biblían spái fyrir um framtíðina? Hvers vegna?

Kafla lokið þann

### Markmið

- Lesa eða horfa á eitthvað úr rammanum „Kannaðu“ til að auka traust þitt á Biblíuna.
- Annað:

## KANNAÐU



Er eitthvað vísindalega rangt í Biblíunni?

„**Samræmist Biblían vísindum?**“ (Vefgrein)



Hvað segir Biblían um „síðustu daga“?

„**6 biblíuspádómar sem eru að rætast núna**“ (Varðturninn 1. júlí 2011)



Kynntu þér hvernig spádómar Biblíunnar um gríska heimsveldið rættust.

„**Spádómsorðið**“  
**veitir okkur styrk**



Lestu um hvernig biblíuspádómar breyttu viðhorfi manns til Biblíunnar.

„**Ég trúði ekki að Guð væri til**“ (Varðturninn nr. 5 2017)



Skannaðu merkið eða farðu inn á ritið  
Von um bjarta framtíð á [jw.org](http://jw.org) til  
að finna allt efni sem tengist KAFLA 03.

## Ertu ánægður með það sem þú hefur lært?


Langar þig að læra meira af Biblíunni?

Þetta er aðeins brot af því sem þú getur lært af bókinni **Von um bjarta framtíð – biblíunámskeið**.

Bæði bókin og námskeiðið eru ókeypis. Við erum fús til að aðstoða þig við biblíunám á stað og stund sem hentar þér.

Á biblíunámskeiðinu er fjallað um mörg málefni, þar á meðal ...

- hver sé tilgangur lífsins.
- hvernig hægt sé að finna sannan frið.
- hvernig fjölskyldur geti notið hamingju.
- hverju Biblían lofar varðandi framtíðina.



**Til að eignast bókina** og halda biblíunáminu áfram geturðu haft samband við einhvern af vottum Jehóva eða sent inn beiðni um biblíunámskeið á [jw.org](http://jw.org).

Rétthafi myndar: Bls. 13, rústir Babýlonar: Image © Homo Cosmicos/Shutterstock.

Þetta rit er ekki til sölu. Útgáfa þess er þáttur í alþjóðlegri biblíufræðslu sem kostuð er með frjálsum framlögum. Þú getur farið inn á [donate.jw.org](http://donate.jw.org) til að gefa framlag.

Nema annað sé tekið fram er vitnað í Nýheimsþýðingu Biblíunnar í Nýja testamentinu og Biblíuna frá 2010 í Gamla testamentinu. Leturbreytingar eru okkar.

Allt efni sem vitnað er í er gefið út af Vottum Jehóva.

*Von um bjarta framtíð*  
– inngangur að biblíunámskeiði  
*Enjoy Life Forever!*  
– *Introductory Bible Lessons*  
Prentað í júlí 2021

Icelandic (*Iffi-IC*)

© 2021

WATCH TOWER BIBLE AND TRACT SOCIETY  
OF PENNSYLVANIA

Útgefendur: Vottar Jehóva  
© Wachturm Bibel- und  
Traktat-Gesellschaft, Selters/Ts.  
Made in Germany  
Prentað í Þýskalandi

# Getum við eignast von um bjarta framtíð?

## Hvað heldur þú?

- Já
- Nei
- Kannski

## HVAÐ SEGIR BIBLÍAN?

„Ég hef í hyggju með yður ... fyrirætlanir til heilla en ekki til óhamingju, að veita yður vonarríka framtíð.“ – JEREMÍA 29:11.

## HVAÐ ÞÝÐIR ÞAÐ FYRIR ÞIG?

Hamingjurík og friðsöm framtíð með fjölskyldu og vinum. – JESAJA 65:21, 22.

Þú getur notið lífsins, ekki bara í stuttan tíma heldur að eilífu. – SÁLMUR 22:27.

## ER HÆGT AÐ TREYSTA ÞVÍ SEM BIBLÍAN LOFAR?

Já. Skoðaðu rökin fyrir því í köflunum þrem í þessum bæklingi. Þeir nefnast:

**Hvernig getur Biblían gagnast þér?**

**Biblían veitir von**

**Er hægt að treysta Biblíunni?**

